



31 MAR, 2023

FAMA sasar jualan RM1 juta di Bazar Ramadan Madani Medan Niaga Satok

Utusan Borneo Sarawak, Malaysia

Page 1 of 2

FAMA sasar jualan RM1 juta di Bazar Ramadan Madani Medan Niaga Satok

KUCHING: Lembaga Pemasaran Pertanian Persekutuan (FAMA) menasarkan nilai jualan sebanyak RM1 juta di Bazar Ramadan Madani Medan Niaga Satok pada tahun ini.

Disertai seramai 72 usahawan, Bazar Ramadan Madani Medan Niaga Satok telah memasuki tahun kesembilan kali penganjuran sejak diperkenalkan pada 2012 oleh FAMA Negeri Sarawak.

Pengarah FAMA Negeri Sarawak Ramli Mat Sani dalam kenyataan berkata, selain Medan Niaga Satok FAMA turut membuka Bazar Ramadan Pasar Tani Kekal Permai Sibul.

“Dua lokasi Bazar Ramadan FAMA ini telah memberi peluang kepada para pengguna untuk mendapatkan kepelbagaian barangan keperluan dan juadah untuk berbuka puasa.

“Aktiviti di Bazar Ramadan tersebut berlangsung di sepanjang bulan Ramadan.

“Menariknya di Bazar Ramadan Madani Medan Niaga Satok pada hari ini, FAMA mengadakan promosi dan agihan bubur pedas



SEMPURNA: Ramli (dua kiri) selesai memotong reben sebagai simbolik perasmian Bazar Ramadan Madani Medan Niaga Satok di Kuching, semalam.

kepada pengunjung.

“Turut diadakan program kolaboratif Agrobazaar Online, Jualan Kombo Madani dan Jualan Telur,” katanya sempena perasmian program tersebut di Medan Niaga Satok di sini, semalam.

Di samping itu, pada tahun ini FAMA dengan kerjasama Bank Rakyat memberi sumbangan kepada 200 orang asnaf di Sarawak yang diagihkan secara berperingkat.

Pada hari ini, seramai 30 asnaf di sekitar Kuching mendapat sumbangan berupa barangan makanan

keperluan asas seperti beras dan sebagainya.

Seterusnya pada 9 April ini di Pasar Tani Daro sempena Program Jelajah Ramadan sumbangan akan disampaikan kepada 32 asnaf dan pada 20 April ini kepada 138 asnaf semasa pelancaran program Jualan Semarak Syawal di Medan Niaga Satok.

Bagi memberi kemudahan kepada pengguna, FAMA turut menyediakan perkhidmatan secara dalam talian untuk membeli barangan keperluan menerusi portal Agrobazaar Online www.agrobazaar.com.my.



31 MAR, 2023

FAMA sasar jualan RM1 juta di Bazar Ramadan Madani Medan Niaga Satok

Utusan Borneo Sarawak, Malaysia

Page 2 of 2

SUMMARIES

KUCHING: Lembaga Pemasaran Pertanian Persekutuan (FAMA) menasarkankan nilai jualan sebanyak RM1 juta di Bazar Ramadan Madani Medan Niaga Satok pada tahun ini.